



BIBLIOTHECA  
UNIV. JAGIELL.  
CRACOVENSIS

41579

Mag. Dr.

Mag. St. Dr.

I

Biblioteka Jagiellońska





stdr0000674



**41579 I**


**Mag. St. Dr.**








10/10/10

10/10/10  
10/10/10











TESSERA  
PRIMA

Sacerdotis Magni,  
TETRAGRAMMATON  
SVB QVO,  
velut

*Sub Typo & Symbolo Proprio singularia sacratiffi-  
sima ac gloriosissimi nominis IESV SACERDOTIS  
ac PONTIFICIS supremi mysteria & encomia  
lucidissime & luculentissime referantur.*

AVTHORE,

A. V. P. PETRO SMOGORZEWSKI, Ordinis  
Seraphici S. Francisci, Fr. Min. de Obseruantia,  
eiusdem instituti S. T. Professore.

*Cum permissu Superiorum.*



CRACOVIAE,  
In Officina Typographica Francisci Cesarij,  
Anno Domini, M. DC. XXII.

Vocalis nomen eius *JESVS*, ipse enim saluum  
faciet populum suum à peccatis eorum.

Matth. 1.



41579  
16

**N**escio quâ nomen *IESV* dulcedine cunctos  
Allicit, immemores nec finit esse sui.  
Illi triste nihil funestumq; euenit vnquam,  
Qui nomen *IESVS* mente piâ recolit.  
Dulce igitur nomen *IESVS* in pectore scribe,  
Namque illo constat vita, medela, salus.

BIBLIOTHECA  
VNI<sup>U</sup>RSITATIS  
CRACOVIENSIS.

Perillustri ac Magnifico Domino.

D. IOANNI  
ZEBRZYDOWSKI,

SUPREMO R. P. ENSIFERO,

LANSORONEN: SZADKOWIEN:

&c. Capiteo, Domino & Benefactori

Suo Clementissimo

F. PETRVS SMOGORZEWSKI, Ord. S. Francisci de Obser.  
Fr. Minor. Omnem felicitatem à D. IESV precatur.



Radunt pleriq; hystoriarum Au-  
ctores peritissimi, Perillustris Do-  
mine, Romanos illos veteres in  
cultu Deorum suorum adeo fuisse  
observantes & supersticiosos, ut  
etiam Deum illum, cuius in tutela urbs vel oppi-  
dum esset, summum nefas ducerent nomine proprio  
compellare, eam nimirum ob causam, quòd, cum  
hostes urbem aliquam obsiderent, aut urbem aliter  
capi posse non crederent, nisi prius ex ipsa certo car-  
mine Deos euocarent Titulares; aut etiamsi id  
non impossibile persuasum haberent, nefas tamen  
estimarent Deos habere captiuos. Propterea &  
ipsi Romani Deum suum Titularem, & ipsius ur-

Plutarchus  
lib. Probl:  
Plinius.  
Verrius  
Flaccus  
& Macrobi.

EPISTOLA

bis nomen Latinum ignotum esse voluerunt, ne  
 qui hostium simili modo & ratione illos circum-  
 uenirent, & in suam potestatem ac seruitutem re-  
 digerent. Eandem ob causam refert Lucanus cu-  
 iusdam falsi Numinis, quod Demogorgon dici-  
 tur, fuisse nomen occultissimum, quo vocato, terra  
 concussa tremere solebat, de quo sic Poëta canit:

An ille

Compellendus erit, quo nunquam terra, uocato,  
 Non concussa tremit? qui Gorgona cernit.

Hæc num vera sint, an ficta à Poëtâ, cuiq; iudicio  
 æstimanda suo relinquo. Quidquid sit, digni pro-  
 fectò illi Ethnicorum fictitij Dij vel potius ipsi Da-  
 mones fuerunt, ut nomina eorum perpetuo silen-  
 tio & obliuione obruerentur, tetraq; caligine at-  
 que tenebris Cimmeriis sepelirentur. At verus  
 Deus apud quem non est vlla transmutatio, nec  
 vicissitudinis obumbratio, augustissimum & diui-  
 nissimum nomen JESVS non vult silentio ferri,  
 nec ullis errorum tenebris vel caligine ignorantie  
 obumbrari; quin potius gestit, ut pro suâ maie-  
 state & dignitate, toto orbe terrarum, ubiq; gen-  
 tium cum summâ reuerentiâ & veneratione præ-  
 dicetur, celebretur, decantetur, & super sidera ex-  
 tolla-

D E D I C A T O R I A.

tollatur. Huius rei gratiâ post Patriarchas, & Pro-  
 phetas ac Sibyllas (quæ hoc sacratissimû nomen ante  
 aduentum Christi in carnem variis vaticiniis &  
 præconiis illustrarunt) in lege Euangelicâ Deus ter  
 Op. Max. tot Apostolos, Martyres & Confessores  
 suscitauit, qui sacratissimi ac gloriosissimi nominis  
 IESVS fortissimi testes, & præcones feruentissimi,  
 cultoresq; fidelissimi extiterunt. Inter quos prima-  
 tum obtinet Princeps Apostolorum, & vertex  
 Theologorum Beatus Petrus, qui splendore huius  
 nominis cunctorum intuentium oculos mirum in  
 modum perstrinxit, quando illa vox (in nomine Actor. 3.  
 IESV surge & ambula) tanquam fulgur de ore  
 eius egrediens Aeneæ illius claudi, plantas & bases  
 pedum solidauit, multaq; millia hominum lumine  
 fidei illustrauit. Cui proximus est valde, prestan-  
 tissimum Vas electionis S. Paulus, qui præclarissi-  
 mum nomen IESVS tanquam lumen quoddam  
 illustre coram gentibus & regibus deferebat, to-  
 tumq; mundum illuminans ubiq; forti ac constanti  
 animo intonabat, se nihil aliud scire præter IESVM  
 & hunc crucifixum. His Apostolicis viris non ab-  
 similis fuit beatissimus & gloriosissimus pauperum

## EPISTOLA

Patriarcha Seraphicus S. Franciscus, vir Catholicus & totus Apostolicus, qui virtute diuini amoris liquefactus in amorem IESV Christi crucifixi transformatus, totum se cultui sacratissimi nominis IESV dederat, adeoq; totum suum studium & omnem operam in cultu & veneratione huius sacratissimi nominis collocauerat, ut etiam sanctissima Domini nomina & verba scripta, ubicunque inuenta essent in locis illicitis, voluerit colligere, & in testamento suo postulat, ut à Fratribus colligantur, & in locis honestis collocentur. Huius S. viri propositum & vestigia egregie imitati sunt, cum alij plurimi, tum precipue fulgentissimum sidus Seraphice Religionis nostrae S. Bernardinus de Senis, inuictus ac indefessus sacratissimi nominis IESV declamator, qui veluti Seraphim ardentissimus ignito calculo calitus mundatus, & quasi torrens igneus rapidusq; inundans, nomen illud sanctissimum IESVS, languentis Italiae urbes, oppida & castra, ac villas quasq; perlustrans, Christianis vitam tepide agentibus annunciabat, & à virtutis tramite deuios huius sacratissimi nominis presidio misericordiam consecuturos ad penitentiam pro-

uoca-

DEDICATORIA.

uocabat. His non dissimiles erant & alij viri Sancti quàm plurimi: Talis erat, S. Bernardus, talis S. Dominicus, talis S. Hyacinthus, talis S. Capistranus, quorum admiranda virtus in predicatione & veneratione sacratissimi nominis IESV enituit. Talis demum erat (ut alios taceam) insignis ille Dux & Antesignanus SOCIETAT: JESV Sanctus Ignatius Loyola, qui, sub augustissimo sanctissimi nominis JESV vexillo, sacram Societatem IESV, singulare fidei Catholicae propugnaculum, insignemq; honestissimarum litterarum & Christiane perfectionis seminarium erexit, eamq; veluti aciem castrorum fortissimam instruxit ac direxit ad propugnandum & propagandum sacratissimi nominis IESV cultum. Horum Sanctorum Patrum egregia facta & exempla & ego imitatus, nec minus splendore quàm amore sanctissimi nominis IESV illectus, nonnulla precipua huius celeberrimi nominis mysteria & preconia collegi, earq; in vnam tesseram SACERDOTIS verè MAGNI D. N. JESV Christi redegi, quam sub felicissimis auspiciis Tuis, Vir Dignissime, typis mandare & in lucem proferre decreui. Exposcebat hoc à me, cum

Tua

EPISTOLA DEDICAT.

Tue in excelso posita virtutis prestantias; tum precipue Tua Tuorumq; nobilissimorū Parentum singularis erga hoc augustissimū & diuinissimum nomen Pietas & Religio, cuius multa & præclara extant in Ecclesiâ Sacrosancta monumenta, inter quæ mirificè coruscat noua illa Typica in Tuis patriis montibus celeberrima Caluaria, singulare mysteriorum & meritorum Passionis Dominice ac diuitiarum spiritualium Gazophylatium, totiusq; Europe nobilissimum monile & Emporium, in quâ ad inuocationem sacratissimi nominis IESV corda plusquam ferrea emolliuntur ad penitentiam, miracula perpetrantur, indulgentie plenarie, multaq; alia diuina beneficia & consolationes spirituales elargiuntur. Accipe igitur, Vir Amplissime nunc primã verè MAGNI SACERDOTIS tesseram, eamq; nomine Sanctissimo IESV veluti numine Titulari illustratam amplectere. Deus ter Opt. Max, Celsitud. Tuam Ecclesiæ suæ & Reip. nostræ quàm diutissime saluam & incolumem tueatur, omnesq; actiones Tuas ad gloriam nominis sui sempiternam dirigere & prosperare dignetur. Vale columna Ecclesiæ, presidium pauperum. Dat. Crac. ad Ædes S. Bernardini. Calen. Ian. 1622.



TESSERÆ PRIMÆ.

PROEMIVM.



Inter cæteras præclarissimas & amplissimas Christi Domini Sacerdotis & Pontificis supremi prærogatiuas & excellentias, non video, quod mihi ante omnia veniat considerandum, quam sanctissimum & augustissimum nomen IESVS, cuius paucis quidem verum non obscuris verbis S. Lucas Euangelista expressit mysterium, cum in hunc modum scribit: Postquam consummati sunt dies octo, vt circumcideretur puer, vocatum est nomen eius IESVS, quod vocatum est ab Angelo priusquam in utero conciperetur. Magnum sanè, & (vt mellifluus Doctor attestatur) mirabile Sacramentum. Circumcitur puer, & vocatur nomen eius IESVS. Quid sibi vult ista connexio? Circumcisio nempe, magis saluandi, quam Saluatoris esse videtur; & Saluatorem circumcidere decet potius quam circumcidi. Sed agnosce Mediatorem DEI, & hominum, qui ab ipso natiuitatis suæ exordio diuinis humana sociat, ima summis. Nascitur ex muliere, sed cui fecunditatis fructus sic accedat, vt non decidat flos virginitatis. Pannis inuoluitur; sed ab ipsis Angelis laudibus honoratur. Absconditur in præsepio; sed proditur radiante stellâ in cælo. Sic & Circumcisio veritatem susceptæ probat humanitatis, & nomen, quod est super omne nomen, gloriam indicat Maiestatis. Circumcitur tanquam verus Abrahamæ filius; IESVS vocatur tanquam filius Dei. Neque enim ad instar priorum iste meus IESVS nomen vacuum & inane portat.

Luca 2.

S. Ber. ser.  
de Circum-  
cissione.

2 • TESSERA PRIMA.

Luce 2.

*Nomen IESUS sanctissimis mysteriis ac deliciis plenum. S. Ber. de Passione D.*

Job 11.

*1 Corint. 14. Nomen IESUS nemo potest proferre nisi in Spiritu Sancto. S. Bernardinus de Senis ser. 48. de Evangelio aeterno.*

tat. Non est in eo magni nominis umbra, sed veritas. Calistus siquidem inditum nomen testatur S. Euangelista, quod vocatum est ab Angelo priusquam in utero conciperetur. Vocatum planè non impositum nempe hoc ei nomen est ab aeterno. A naturâ propriâ habet, ut sit Saluator: innatum est ei nomen hoc, non inditum ab humanâ vel Angelicâ creaturâ. Hæc Doctor mellifluus. Quisnam ergò & qualis fuerit puer iste pro redemptione humani generis in ætate infantili circumcisus, conice ex proprio vocabulo, quod procul omni dubio religiosâ & deuotâ mente credimus esse Sanctum, & sanctissimis mysteriis ac deliciis plenum. IESVS enim (teste eodem Doctore mellifluo) est Redemptor perditorum, Saluator redemptorum, spes exulum, fortitudo laborantium, anxianti spiritus latitudo, animæ lacrymosâ & post se in sudore currentis dulce solatium, & suauiter refrigerium, corona triumphantium, vnica merces & læticia omnium supernorum ciuium, vberimus fons omnium gratiarum, inclyta proles summi Patris, & summus Deus, quem benedicunt omnia quæ in coelo sunt sursum & quæ in terrâ deorsum. Hæc ille. Quid igitur dignum eo loqui possumus, cuius ne nomen quidem vacuum est luce laudis? Certè excellentior cælo est, profundior inferno, longior terrâ, & latior mari, cuius laudes dicere gestimus. Ipsum quoque nomen sanctissimum & diuinissimum IESVS tantæ est excellentiæ & maiestatis, tantæ prærogatiuæ & authoritatis, ut à nullo prorsus possit sine speciali Spiritus Sancti gratiâ dignè & meritoriè nominari. Nemo enim teste Apostolo potest dicere nomen IESVS, nisi in Spiritu S. Vnde & ardentissimus ille huius sacratissimi nominis amator & feruentissimus declamator S. Bernardinus de Senis ingenuè fatetur: Deficit sensus, hæret palato lingua, & omnis arefcit sermo, cum mens humana de nomine IESV considerat pronunciarè sermonem. Est nempe tam amplum tamque profundum pelagus

## SACERDOTIS MAGNI.

Magis nomen IESVS, vt plenam explanationem illius nullus humanus intellectus exprimere queat. Quis enim incomprehensibilem explicare valeat? Quis possit exprimere infinitum, aut quis Deum & hominem poterit coarctare sermone? Propheta enim ait: Secundum nomen tuum Deus, sic & laus tua, id est, secundum rem nominis tui laudabilis es Domine. Sed quis rem nominis eius explicare poterit, vt laudet Deum per eam & propter eam? Quis est tantæ gratiæ & tantæ virtutis, vt ad laudis eius præconium aliquo modo reperiatur idoneus? Nemo prorsus nisi fuerit labiis circumcisus & purgatus. Proinde Isaias in contemplatione subuectus ad regis gloria visionem, antequam de IESV, quem vocat Emmanuel, & de conceptione virginis ordiretur sermonem, profiteretur se pollutum, & Seraphicum experitur ministerium: carbonem labiis sensit ignitum, & sic purgatus & spiritualiter circumcisus virgineum conceptum annunciat & filij nomen in utroque declarans venerabile fidei Sacramentum. Veni igitur Domine IESV Christe, qui minister es nostræ spiritualis circumcisionis, & labia mea tangas, iniquitatem auferas, meum expurges affectum, illumines intellectum, perficias imperfectum, calamum vel linguam admoveas, manum dirigas & actum; vt ad tui nominis gloriæ tuæ charitatis ardor immissus euaporet flammam.

*Psal. 47.*

*Isai. 6.*

## CONSIDERATIO I.

**L**Ege diuinâ sancitum erat, vt Summus Pontifex sanctuarium ingressurus, & sacrificium oblaturus, Pontificiis ornamentis indutus, caput thyarâ tegeret, exquâ sacrosanctum nomen Dei aureæ laminæ insculptum dependeret. Sic enim hac de re præceperat Dominus Mosi dicens: Facies laminam de auro purissimo, in qua sculpsere cælatoris Sanctum Domino, ligabisq; illam vittâ hyacinthinâ, & erit super thyaram imminens fronti Pontificis.

*Exod. 28.*

B 2

Lamina

TESSERA PRIMA.

4

*Lamina aurea carnem Christi purissimam adumbrat.*

*Tetragrammaton nomen sanctum Domino sanctissimum nomen IESVS ad vnguem exprimit.*

*Gal. lib. 3. de arcanis.*

*Cathol. veritatis.*

*Iansenus li.*

*7. Cornelius*

*Cornelii à la*

*pide in lib.*

*Num. c. 13.*

*Tetragrammaton Symbolum Sanctissime Trinitatis.*

Lamina hæc ex auro purissimo conflata, allegoricè, carnem Christi ex purissimo sanguine immaculatæ Virginis, veluti auro mundissimo operatione Spiritus Sancti compactam adumbrat, vitta hyacinthina, quæ colorem cælestem refert, vniionem illam hypostaticam designat, quæ laminam cum thyarâ, hoc est, humanitatem Christi cum diuinitate ligat & copulat. Sanctum autem Domino nomen illud TETRAGRAMMATON laminæ aureæ impressum nomen sanctissimum IESVS ad vnguem exprimit, quod ille Sacerdos verè magnus pro maiori excellentiâ & auctoritate suâ defert. Si enim viris doctissimis & grauissimis credimus, optimè profectò & apprime nomen TETRAGRAMMATON, quod vulgò IEHOVA dicitur, nomen sacratissimum & diuinissimum IESVS representat; sed nomen IESVS est maioris & amplioris dignitatis, sanctitatis, prærogatiuæ & auctoritatis; pluraque & sublimiora continet in se arcana diuina & mysteria. IEHOVA apud Hebræos tribus tantum consistat vocalibus, quæ ex naturâ sua nomen ineffabile constituunt. Et licet quatuor litteris exprimat (vnde TETRAGRAMMATON nuncupatur) tres tamen duntaxat litteras (quandoquidem bis vna earum in eodem nomine ponitur) non sine mysterio complectitur; quarum prima est, Iod (ordine transuerso more Hebræorum ab vltima inchoando) quæ apud Hebræos designat principium, & per hanc litteram intelligitur prima persona in diuinis, Pater videlicet æternus, à quo veluti principio primo est omnis paternitas in cælo & in terrâ. Secunda littera est He, quæ denotat vitam, seu Essentiam & existentiam rei, per quam secunda persona in diuinis Verbum scilicet diuinum, seu æterni Patris Filius designatur, per quem facta sunt omnia, & à quo habent suam existentiam, vitam & intelligentiam vniuersa. Et hæc littera bis nimirum in secundo & vltimo loco collocatur, eam videlicet ob causam, quia Verbum incarnatum, gemi-

geminam naturam & substantiam, geminamq; essentiam & existentiam, nempe diuinam & humanam in se complectitur. Tertia littera est Vau, quæ vinculum quoddam præfert, & hac litterâ, tertia persona in diuinis nimirum Spiritus Sanctus exprimitur, qui nihil aliud est, quam nexus quidam & complexus indissolubilis Patris & Filij vtriq; coæuus & consubstantialis. Præter has litteras & mysteria nomen sacratissimū IESVS in lingua Hebræâ habet litteram Schin **ש** appositam, quæ in medio constituta efficit, vt nomen illud Tetragrammaton ineffabile nunc effari liberè & pronunciare possimus, loco conficti IEOVA proferendo Iesua vel Iesuah, & per Crasim Iosue, vel quod magis litteræ consonat Iesue, quod est Iesus seu Saluator. Hæc autem dictio Hebraica **יהוה** litteris suo ordine ritè dispositis crucem sacrosanctæ crucis figuram, sacraq; Crucifixi Domini nostri IESV CHRISTI stigmata conuenientissimè adumbrat. Littera verò Schin **ש**, quæ in modum lampadis ardentis efformatur, præclare Hebræis mysterium Incarnationis Verbi diuini repræsentat. Nam quemadmodum in hac vnâ litterâ tria distincta & diuersa puncta per vnâ lineam adunantur: pari ratione in ineffabili Incarnationis Verbi diuini mysterio, tria diuersa ac inter se multum disparata, caro, videlicet, anima & diuinitas, seu natura diuina per vnionem hypostaticam miro & ineffabili modo ad inuicem sibi confociantur, & confœderantur. Et quoniam Verbum incarnatum medium est, per quod Deum notitiâ verâ & perfectâ cognoscimus: Deum enim nemo nouit vnquam ait S. Ioannes, sed vnigenitus Dei Filius qui est in sinu Patris



Littera  
Schin He-  
bræis myste-  
rium Incar-  
nationis re-  
præsentat.

1. Ioan. 4.

*Lucas.**Matth 1.**Nominis Iehoua & nominis Iesu Antithesis.**Iesus nomen excellentius & venerabilius quam Iehoua.**Exod. 14.**Exod. 14.*

ab Angelo Gabriele Beatiff. Virgini Mariæ Incarnationem Filij Dei hunc in modum nunciante: Ecce virgo concipies & paries Filium & vocabis nomen eius IESVM, id est Saluatorem. Cuius alibi rationem reddit, cum ad Iosephum, ait: Vocabis nomen eius IESVM: Ipse enim saluum faciet populum suum a peccatis eorum. IHOVA ergo est Symbolum & ænigma nominis IESV; at nomen IESVS est Hypotyposis, seu declaratio, & illustratio nominis Iehoua: IHOVA delignat Deum, quâ Dominus, & creator est: IESVS verò exprimit Deum, quâ Saluator & Redemptor omnium saluandorum est. Sicut autem maius, & excellentius est beneficium redemptionis, quàm creationis, (nihil enim nasci profuit, nisi redimi profuisset) ita maius, & excellentius est nomen IESVS, siue Redemptoris, quàm nomen IHOVA siue Creatoris. Iehoua denotat eum, qui à se habet esse, subsistens, æternum, immensum, infinitum, & immutabile, estque idem cum eo nomine, quo se Deus nominat dicens: Ego sum, qui sum: at Iesus includit eum, & qui est à semetipso, & per semetipsum ubique subsistens, & qui erat ab æterno, & qui semper futurus est, æternus, incommutabilis, & infinitus, & per quem facta, pacificata, ac restaurata sunt omnia, siue ea, quæ interris, siue ea, quæ in cælis sunt. IHOVA est fons & principium omnis entis, causalitatis, & perfectionis; at verò IESVS est etiam fons, & origo omnis vitæ, gratiæ, virtutis, & felicitatis. Iehoua omnia creat & conseruat; at Iesus etiam perditos saluat, mortuosq; viuificat, iustificat, & beatos reddit. Iehoua debellauit, & deuastauit Ægyptum & Pharaonem; IESVS profligauit, contriuit, & spoliauit infernum, & Diabolum. Iehoua Hebræos per mare rubrum traduxit in terram Chanaan; IESVS autem per sanguinem suum, quo à peccatorum sordibus abluimur, deducit nos ad regna polorum. Iehoua fuit nomen Iudæis ineffabile; Iesus est omnibus Christianis nomen

SACERDOTIS MAGNI.

7

men inestimabile. Ichoua nomen sanctum ac venerabile; Iesus quoque; nomen est sanctum & terribile. Ichoua timor, & pavor erat gentium; Iesus est terror & tremor non tantum gentilium, verum etiam omnium inferorum. Ichoua est nomen diuinitatis; Iesus vero est nomen diuinae maiestatis, & humanitatis: Ichoua est ænigma sanctissimæ Trinitatis; Iesus autem est etiam Symbolum Verbi incarnati, arthabog; salutis & pignus æternæ hereditatis, omnisque nostre felicitatis. Ipse est Alpha & Omega, principium & finis; ipse est a quo, per quem, & in quo sunt omnia. Ipse est largitor omnium bonorum liberalissimus; ipse est Author fidei; ipse est Auctor, & Conseruator omnis gratiæ & virtutis; ipse est fons salutis, omnisque nostræ beatitudinis, ac felicitatis. Hoc nomen IESVS celebratum est in tribus illis celeberrimis Patriarchis legis veteris, quorum primus erat Iesus Naue, dictus Iosue, qui cum hostem debellaret, solem in caelo stare fecit, quique Israeliticum populum in terram promissionis induxit. Secundus Iesus Iosedec, sacerdos magnus, qui anno primo Cyri Regis Persarum, cum Zerobabele templum Salomonis à Chaldeis dissipatum restaurauit, cultumque Dei mirum in modum amplificauit. Tertius Iesus Sirach Doctor eximius, qui sapientiam Dei in corde suo innouauit, quique cælesti doctrina filios Israel erudiuit. Omnes isti typum, & figuram gessere veri Saluatoris Christi, qui multo melius, & clarius, quam alij cælestem doctrinam Apostolis, & Ecclesiæ sanctæ de sinu Patris susceptam reuelauit, qui cælestis Ierusalē in ruinas instaurauit, qui (vt ait Apostolus) multos filios ad gloriam adduxit multoque felicitus, quam Iosue fideles suos in æterna tabernacula introduxit. De hoc nomine vates diuino afflatus spiritu multa prædixerunt. De isto nomine Isaias vaticinans pronunciauit: Propter Syon non tacebo, & propter Hierusalem non quiescam, donec egrediatur vt splendor iustus eius, & Saluator

*Nomen Iesus in tribus Patriarchis est celebratum.*

*Iosue 10.  
Eccl 46.  
Zach. 10.*

*Heb. 8.*

*Isaia 62.*

Hab ac. 3.

eius ut lampas accendatur. Et videbunt gentes iustum tuum, & cuncti Reges inclytum tuum. Et vocabitur tibi nomen nouum, quod os Domini nominauit. Ad hoc nomen Habacuc respexit, dum ait: Ego autem in Domino gaudebo, & exultabo in Deo Iesu meo.

## CONSIDERATIO II.

**N**ec tantum Prophetæ, verum etiam Sibyllæ gentiles multa vaticinatæ sunt. Hoc nomen spiritu prophético afflata Sibylla Erythrea prædicauit, quæ multos versus acrostichos composuit, quorum primæ syllabæ hæc sacra verba reddunt, ut præclare D. Augustinus in libro de ciuitate Dei declarat:

D. Aug. lib. 18. de ciuit.

Dei cap. 22.

Sibyllæ Erythrea vaticinium de

Christo, artificiosè compositum.

ΙΗΣΟΥΣ ΧΡΙΣΤΟΣ, ΘΕΟΥ ΥΙΟΣ, ΣΩΤΗΡ.  
id est,

IESVS CHRISTVS DEI FILIVS SERVATOR.  
Verfus autem Græci ut ab Eusebio referuntur sunt isti.

Ιδρωσὶ γὰρ κερῶν κρίσεως ἡμεῖον ὅς ἐστι,  
Ἡξί δ' ἐρανόθεν βασιλῆος αἰῶσιν ὁ μέλλων,  
Σάρκα παρὰν κελῖνα παῶσαν καὶ κόσμον ἀπαῖα,  
Ὁψονται ὃ θεὸν μέροσιν πρὸς ἡ ἀπῆσι.  
Ἰψῆσι μετ' ἡ ἁγίων Ἰπὶ τέρμα χρόνιο  
Σαρκόφορον, ψυχὰς δ' ἀπτερώπων Ἰπὶ βήματι κερνῆ  
Χέροσος ὅτ' ἂν ποτὲ κόσμος ὀλθῆ, καὶ ἀκασθε γένηται  
Ρίψωσι τ' ἐδωλα βροτῶν ἔ πλετρὶ ἀπαῖα,  
Ἰ κινδύων εἴξει τε πύλας εἰκτ' αἰδῆας  
Σαρεῖ ἰότε πᾶσα νεκρῶν ἐς ἐλδύθερρον φάθῃ ἡξί.  
Τοὺς ἀγίους ἀρόμης ἰε τὸ πύρ αἰῶσιν ἐλεγγεῖ  
Ὁ πῶσα ἰα πρᾶξας ἔλαθεν ἰότε πάντα λαλήσθ  
Στήθεα γὰρ ζοφροντα θεὸς φῶς ἡρσιν ἀνοίξθ  
Θρηῦθ τ' ἐκ πᾶσιν ἔσθ, τ' βρυμὸς ὀλόντων.  
Ἐ κλέψθ σέλας ἡελίς, ἄσπρηλε χορεῖαι.  
Ὀυραῖον εἰλίξει, μὲνῆς ὃ τε φέξθ ὀλεῖται.  
Ἰψῶσι ὃ φάραχθας ὀλεῖ δ' ὑψώματα βενῶν.



SACERDOTIS MAGNI.

Ἰψὸς δ' ἐκ ἐπι λυγρὸν ἐν ἀνθρωποῖσι φανείτω  
 Ἰσα τ' ὄρη πεδίοις ἰσῶ, τ' πᾶσα θάλασσα.  
 Οὐκ εἰς πλῆν ἤξει, γῆ γὰρ φρυχθεῖσα κεραιῶ  
 Σιῶ πηγᾶς ποταμοὶ κακλάζοντες λείψουσι  
 Σάλπηγξ δ' ἔρανόθεν φωνῆν πολυθρόνον ἀφήσει  
 Ὀρύσσα μύσος μέλλον, καὶ πύματα κόσμου.  
 Τάρταρον δ' ἄκαθ' ἵσπε δειξέει γαῖα χανῶσα.  
 Ἡξουσι δ' ἐπὶ βῆμα θεοῦ βασιλεῖς ἀπάντες.  
 Ρεύσει δ' ἔρανόθεν ποταμὸς αὐροῦ ἡδὲ γε θεῖος.

Hæc autem carmina Græca, quia Latine malè versâ, vel mendosè tradita apud D. Augustinum loco supra citato habentur, sic emendata, & correctâ ab aliis traduntur: reddunt verò prima singulorum versuum elementa hunc sensum.

IESVS CHRISTVS DEI FILIVS SERVATOR, VTI patet primas litteras intuentibus.

Iudicij in signum tellus sudore madescet,  
 Et Rex æternus summo descendet Olympo,  
 Scilicet vt carnem, mundumque vt iudicet omnem,  
 Vnde Deum fidi, diffidentesque videbunt,  
 Summum cum sanctis in sæcli fine sedentem.

Corpora tunc repetent animæ, quas iudicet ipse,  
 Horrebitq; iacens densis in vepribus orbis.  
 Reicient simulacra viri, gazasque repostas,  
 Incendetq; ignis terras, pontumq; polumque,  
 Sanctorum caro tunc reddetur libera luci,  
 Tartarea at semper cruciabit flamma scelestos,  
 Utq; quis occultè peccauerit, omnia dicet,  
 Sub lucemque Deus referabit pectora clausa.

Dentes stridebunt, crebrescent vndiq; luctus,  
 Et lux deficiet, solemq; nitentiaque astra  
 Inuoluent tenebræ, tum Lunæ splendor obibit.

Fossas attollet, iuga deprimet ardua, montes,  
 Impediens homines nil erit sublime, vel altum.  
 Longa carina fretum non scindet, montibus arua,  
 Ipsa æquabuntur; nam fulmine torrida tellus,  
 Vnaque & rivi, & fontes, & stagna peribunt,  
 Sidereisque sono tristi tuba clanget ab oris.

Sultorum facinus moerens, mundi que dolores,  
 Et Chaos ostendet cum panis terra dehiscens,  
 Regesque ad solium sistentur Numinis omnes,  
 Undaque de caelo fluet ignea sulphure misto,  
 Aduolvens secum rebus quicumque caducis,  
 Terrenisque opibus sese addixere, nefandis,  
 Obstricti vitius, supremi iudicis, æquas  
 Reddant pro meritis, cuique ut sententia, poenas.

His versibus adduntur duo ad explicandum, quis sit ille talibus versibus descriptus:

ὄντες ὁ νῦν προχράφεις ἐν ἀκροστικαῖς μὲν ἡμῶν  
 Σωτὴρ ἀθανάτου βασιλεὺς ὁ πατρῶν ἐνεκα ἡμῶν.

Hic nunc praescriptus, per singula carmina nostra,  
 Est Rex Saluator nostro pro crimine passus.

Huius generis versibus delectatus est M. Tullius Cicero, qui in libro de diuinatione cum de Sibyllis sermonem facit, recte inde concludit non esse illud carmen furentis sed attentissimi animi, quod tum ipsum poema declarat, (est enim magis artis & scientiae, quam incitationis & motus) tum ea quae acrostichis dicuntur, cum deinceps versus litteris connectuntur, ut in quibusdam fecit Ennius. Ad hunc modum ille. His, (quae hic ex Sibylla Erythraea retulimus) multa similia Sibylla Cumana de Christo Domino Salvatore nostro praedicauit, & inter alia (ut refert Sixtus Senensis) huius nominis sacratissimi Iesus numerum litterarum & mysticum sensum his verbis aenigmaticè reserauit, etim ita canit:

*Sixtus Senē.  
 in sua Bibli  
 otheca:  
 Sibylla Cu  
 mana de In  
 carnatione  
 Filij Dei &  
 sacratissimo  
 eius nomine  
 vaticinium*

Tunc

SACERDOTIS MAGNI.

II

Tunc ad mortales veniet mortalibus ipsis  
 In terris similis, natus Patris omnipotentis,  
 Corpore vestitus, vocales quattuor autem,  
 Fert: non vocalesque duas, binum geniorum.  
 Sed quæ sit numeri totius summa docebo;  
 Numque octo monades, totidem decades super ista,  
 Atque hecatontadas octo infidis significabit  
 Hominibus nomen: tu verò mente teneto  
 Æterni natum Christum, summi que parentis.

Vbi Sibylla præclare assèrit nomen Græcum ΙΗΣΟΥΣ qua-  
 tuor constare vocalibus & duobus consonantibus, vocales  
 sunt I, H, O, Y. Consonantes autem duo sigmata duorum genio-  
 rum, id est, Angelorum nimirum, ut quidam autumant, Sa-  
 thaelis, & Saranae, hæc enim nomina habent sigma in prin-  
 cipio, vel potius illorum duorum Seraphinorum, qui cla-  
 mabant alter ad alterum, & dicebant: Sanctus, Sanctus, San-  
 ctus Dominus exercituum. Præterea affirmat Sanctissi-  
 mum nomen continere octo monades, id est, octo vnitates,  
 & totidem decades, id est, octies decem, seu octoginta, &  
 octo hecatontadas, id est, octies centum, seu octingenta.  
 Hunc enim numerum continent Græcæ litteræ Sacratissimi  
 nominis IESVS, quod Græcè scribitur ΙΗΣΟΥΣ. Nam Iota lit-  
 tera valet decem, Hita octo, Sigma valet ducenta, duplex  
 sigma, quadringenta, Omicron septuaginta, Ypsilon qua-  
 dringenta. Quos omnes numeros si collegeris in vnum, in-  
 uenies octingenta, octoginta, octo; qui numerus siue sim-  
 plex, siue per decem, siue per centum multiplicatus fuerit,  
 est typus Resurrectionis & futuræ vitæ, atq; æternitatis. Sa-  
 cro-sancti igitur nominis IESVS non tantum Etymologia, sed  
 & ipse quem litteris comprehendit numerus perpetuæ salu-  
 tis redolet mysteria, ut docet Venerabilis Beda super Lu-  
 cam C. 2. Idcirco quidam non incongruè versu dixit:

Cui tria sunt octo, Saluator sis mihi ut opto.

C 2

Non

*Iesus.*

*iota, hita, o-  
micron, y-  
psilon.*

*Octonarius  
numerus ex  
nomine Iesus  
colligitur.*

*I. 10.*

*H. 8.*

*Σ. 200.*

*Ο. 70.*

*Υ. 400.*

*Σ. 200.*

*Symbolum  
Resurrectio-  
nis & vitæ  
æternæ.*

Non voret innumerus, Cui tria sex numerus.

*Nominis Antichristi mysterium.*

*Barr. ad. tit.*

*1. lib. 9. c. 3.*

*Apoc. 13.*

*Quid per senarium intelligatur*

Nomen enim Antichristi proprium quod ignoratur constat litteris Græcis, quæ numerum  $\sigma. \sigma. \sigma.$  significant. teste D. Iohanne qui nomen Antichristi obscure indicans, ait: Numerus eius sexcenti sexaginta sex. Hic autem numerus, senarius est rerum caducarum, quæ sex diebus conditæ sunt, ideoq; & Antichristo rectè competit, quia Antichristus, & Antichristiani caducis rebus erunt mancipati. Numerus verò Christi odoadas seu octonarios habet triplicatos, quia octonarius est numerus Circumcisionis, & Resurrectionis Christi, & futuræ vitæ: octauâ enim die, id est, Dominicâ, quæ septimum Sabbati diem sequitur, Christus est circumcisus, & resurrexit, & vitam beatam inchoauit. Præterea vt senarius numerus non attingit, septenarium numerum quietis; septimo enim die requieuit Deus ab omni opere quod patrârat; Sic Antichristus & Antichristiani quietem non attingent, sed æternis tormentis cruciabuntur. Octonarius verò non solum attingit, sed etiam superat, eundem septenarium numerum, estque numerus gloriæ (quæ mortis quietem sequitur) quam Christus possidet, eiusque imitatores perpetuam consequentur. Eundem octauum numerum, & eadem mysteria, in se continet nomen Sacratissimum IESVS hoc schemate expressum. Si enim in hoc schemate Græcas litteras & characteres consideremus; circulus, seu littera O, id est, omicron denotat. Septuaginta, I & H, significant decem, & octo, S. ducenta; his signum crucis inscribitur, ✠ quod constat duplici littera I, vnâ deorsum demissâ, alterâ sursum erectâ, quarum vnaquæque sigillatim acceptâ Græcis trecenta, geminata verò sexcenta designat: hæc autem omnia simul iuncta eundem numerum, & eadem mysteria continent de quibus hic differimus. Iam verò si easdem literas & idem nomen contemplerur quatenus solaribus radiis circumfusum irradiatur



✠  
IHS

SACERDOTIS MAGNI.

13

diatur (solet enim intra circulum radiis circumdatum de-  
pingi, in cuius vertice crux vel Christi imago cruci affixa  
cernitur) haud etiam vacat mysterio; nam (præterquam  
quod ait Vates in laudem huius nominis sanctissimi: Ante  
solem permanet nomen eius) clarissimè declarant hi radij,  
quibus nomen IESV irradiatur ab eius claritate, & fulgore  
nominis tenebras fuisse depulsas, quæ totum terrarum or-  
bem occupauerant; quod S. Mater Ecclesia cum Propheta,  
in Dominica I. Aduentus ita decantat: Ecce nomen Domini  
venit de longinquo, & claritas eius replet orbem terrarum.  
Insinuat etiam circumfusius ille radiorum fulgor eum, qui  
illo nomine vocatur, esse Patris æterni splendorem, in splen-  
doribus sanctorum ante luciferum genitum. Ipse enim di-  
cente Paulo, est splendor gloriæ, & candor lucis æternæ,  
immò ipse est sol verus iustitiæ oriens ex alto, & vera lux,  
quæ illuminat omnem hominem venientem in hunc mun-  
dum. Præterea nomen IESV radiis ornatum sursum, & deor-  
sum, dextrorsum, & sinistrorsum depingitur, quoniam su-  
perno radiorum suorum splendore beatos illuminat, imis ra-  
diis infernum inhabitantes flammis exustos adurit; à dextrâ  
verò radiis erumpentibus iustorum intellectus illustrat; de-  
niq; à sinistrâ peccatoribus lumen præbet, ne viam salutis  
amittant, sed tanquam sidus splendidissimum IESV nomen  
respicientes ad felicem salutis portum ab illo deducantur.

*Nomen IE-  
SVS cur ra-  
dis circum-  
fusum de-  
pingitur.  
Psal. 71.*

*Hebr. 1.*

CONSIDERATIO III.

**H**OC sacratissimum nomen IESVS ante aduentum  
Christi in mundum, non fuit ita hominibus notum,  
immò si diuinis scripturis credimus, scimus a Pa-  
tribus illis antiquis, & Patriarchis illud penitus fuisse abs-  
conditum. Dominus enim ad Moysen ipse dicit: Ego Do-  
minus qui apparui Abraam, Isaac, & Iacob in Deo omnipo-  
tente, & nomen meum Adonai non indicavi illis. Quod sci-

*Nomen IE-  
sus antiquis  
absconditum.*

*Exod. 6.*

licet nomen Adonai ponitur, & pronuntiatur loco nominis Iehoua, quod propter suam reuerentiam omnino subtrahitur. Et quanquam nomen Iehoua Patribus sanctis in lege veteri per Moysen fuerit reuelatum, nunquam tamen nomen Iesus erat illis tam clarè, & apertè manifestatum. Hoc enim reseruarum erat legi nouæ, in qua oleum effusum nomen à sponsa nuncupatur: Oleum effusum nomen tuum. Quod cum alij Sancti Patres, & Doctores optimè de nomine Iesu intellexerent, tum præcipuè D. Bernardus qui hoc nomen dulcissimum & suauissimū oleo effuso perlimile esse prædicat dicens: Nec mirum si cum venerit plenitudo temporis facta est effusio nominis; Deo quippè, quod per Ioëlem promiserat, adimplente, & effundente de spiritu suo super omnem carnem, cum tale aliquid & apud Hebraos legam. Quale erat, inquam, quod sciscitanti Moyse primo responsum est: Ego sum qui sum, & qui est misit me ad vos. Nescio si vel ipse Moyses caperet sic, si non videlicet effunderetur. Sed fufum est, & captum est. Nec mode fufum, sed & effusum, sed nondum infufum erat. Iam cæli habebant, iam Angelis innotuerat. Est autem, foris mihi, & quod Angelis ita erat infufum, vt esset & priuatum; effusum & inter homines est, ita vt iam tunc merito clamaretur de terrâ: Oleum effusum nomen tuum. Si non ingrata plebis exosa peruicacia obstiteret. Vnde etiam mox exclamat idem dicens: Currite gentes, ad manum est salus, effusum est nomen, quod quicumque inuocauerit saluus erit. Angelorum Deus, etiam hominum Deum se nominat. Oleum misit in Iacob, & cecidit in Israel. Dicite fratribus vestris; Date nobis de oleo vestro; si nolunt; rogate Dominum olei, vt mittat & vobis. Dicite, aufer opprobrium nostrum. Ne quæso insultet maleuolus dilectæ tuæ, quam à finibus terræ euocare placuit tibi tantò vtique dignantius, quantò minus dignam. Decetne obsecro vt benignum patrisfamilias inui-

taros

*Nomen Iesus oleum effusum nuncupatur.*

*Cant. 4.*

*D. Ber. ser.*

*15. in Cant.*

*Ioel. 2.*

*Exod. 14.*

*Bernard. ibidem.*

fatos seruus nequam excludat? Ego sum ait Deus Abraam, & Deus Isaac, & Deus Iacob. Et non amplius? Effunde, effunde, aperi manum tuam adhuc & imple omne animal benedictione. Veniant ab oriente, & occidente, & recumbent cum Deo Abraam, Isaac, & Iacob in regno cælorum. Veniant tribus tribus Domini: testimonium Israel ad confitendum nomini Domini. Veniant & recumbant epulentur, & delectentur in latitiâ, & vnus vbiq; resonet in voce exultationis & confessionis sonus epulantis: oleum effusum nomen tuum. Et paulò post idem subdit. Agnosco nomen, quod in Isaiâ legi: Seruos suos inquit vocauit nomine alio, in quo qui benedictus est super terram benedicetur in Domino. O nomen benedictum. ô Oleum vsquequaque effusum. Quousque? De cælo in Iudæam, & inde in omnem terram excurrit, & de toto orbe clamat Ecclesia: Oleum effusum nomen tuum. Effusum planè, quod non solum cælos terrasq; perfudit; sed aspersit & inferos, adeò vt in nomine IESV omne genu flectatur, cælestium, terrestrium, & infernorum, & omnis lingua confiteatur, & dicat: Oleum effusum nomen tuum. Ecce Christus, ecce Iesus, vtrumq; infusum Angelis, vtrumque effusum in homines, & illos homines, qui putruerunt vt iumenta in stercore suo: homines, & iumenta saluans quemadmodum multiplicasti misericordiam tuam Deus. Quàm carum, quàm vile; vile, sed salutare; si vile non esset, non mihi effunderetur; si salubre non esset, non me lucraretur. Particeps nominis sum, sum & hæreditatis. Christianus sum; frater Christi sum. Si sum, quid dico, hæres Dei sum, cohæres autem Christi. Et quid mirum si sponsi effusum est nomen, cum ipse quoque effusus sit? Nam semeitpsum exinaniuit, formam serui accipiens. Denique ait: Sicut aqua effusus sum. Effusa est plenitudo diuinitatis habitans super terram corporaliter, vt de illâ plenitudine omnes, qui corpus mortis gestamus, caperemus, ac vi-

*Isaia. 65.**Philip. 2.**Rom. 8.**Psal. 21.*

tali

tali odore resperſi diceremu s: Oleum effuſum nomen tuum. En qualiter, & quatenus effuſum. Cur verò oleum? Eſt procul dubio (pulchrè ait idem, mellifluus doctor) inter oleum, & nomen ſponſi ſimilitudo, nec otioſè Spiritus S. alterutrū comparauit. Ego autem dico in triplici quadam qualitate, olei, quod lucet, paſcit & vngit. Fouet enim ignem, nutrit carnem, lenit dolorem; lux, cibus, medicina, vide idem, nunc de ſponſi nomine. Lucet prædicatum, paſcit cogitatum, inuocatum lenit, & vngit. Et percurramus ſingula. Vnde putas in toto orbe tanta, & tam ſubita fidei lux niſi prædicato IEſu? Nonne in huius nominis luce Deus nos vocauit in admirabile lumen ſuum, quibus illuminatis, in lumine videntibus lumen, dicat meritò Paulus: Fuiftis aliquando tenebræ, nunc autem lux in Domino.

*D. Bernar-  
des loco ſu-  
pra citato.*

*Nomen Ieſu  
eſt oleum ef-  
fuſum quia  
lucet, paſcit  
vngit.*

*Nomen Ieſu  
eſt lux mun-  
di.*

*Eſt & cibus*

*Eſt & medi-  
cina.*

*Nominis Ie-  
ſu virtus.*

Nec tantùm lux eſt nomen IEſu, ſed eſt & cibus. An non toties confortaris, quoties nominis IEſu recordaris? Quid æquè cogitantis mentem impingat? Quid ita exercitatos reparat ſenſus, virtutes roborat, vegetat mores bonos, atq; honeſtos, caſtas fouet affectiones? Aridus eſt omnis animæ cibus, ſi non oleo iſto perfunditur. Inſipidus eſt, ſi non hoc ſale conditur, ſi ſcribas non ſapit mihi, niſi ibi legero IEſu M. Si diſputes, aut conferas, non ſapit mihi, niſi ſonuerit ibi IEſus. IEſus mel in ore, in aure melos, in corde iubilus. Sed eſt & medicina. Triftatur aliquis noſtrum? Veniat in cor IEſus, & inde ſaliat in os, & ecce ad exortum nominis lumen, nubilum omne diſſugit, redit ſerenum. Labitur quis in crimen, currit in ſuper ad laqueum mortis deſperando; nonne ſi inuocet nomen vitæ, conſeſtim reſpirabit ad vitam? Cui aliquando ſtetit ante faciem ſalutaris nominis duritia (vt aſſolet) cordis, ignauitæ torpor, rancor animi, languor acedie? Cui ſons fortè ſiccatus lachrymarum, inuocato IEſu non continuo erupit vberior, fluxit ſuauior? Cui in periculis palpitanti, & trepidanti inuocatum virtutis nomen non ſtatim fi-  
duciam



duciam præstitit, depulit metum? Cui quæso in dubiis æstu-  
anti, & fluctuanti non subito ad inuocationem clari nominis  
emicuit certitudo? Cui in aduersis diffidenti iam, iamq; de-  
ficiendi, si nomen adiutorij sonuit, defuit fortitudo?

Nimirum morbi & languores animæ isti sunt, illud me-  
dicina. Nihil sanè ita medetur omnibus animi languoribus,  
& infirmitatibus nostris quam nomen IESVS, quod suapte  
impetum iræ cohibet, superbix tumorem sedat, sanat liuoris  
vuius, restringit luxuriæ fluxum, extinguit libidinis flam-  
mam, sitim temperat auaritiæ, ac totius indecoris fugat pru-  
riginem. Si quidem cum nomino IESVM, hominè mihi pro-  
pono mitem, & humilem corde, benignum, sobrium, castum,  
misericordem, & omni honestate, ac sanctitate conspicuum,  
eundemque ipsùm Deum omnipotentem, qui me suo exem-  
plo sanat, & roborat adiutorio. Hæc omnia mihi simul in-  
sonant, cum insonuerit IESVS. Hactenus D. Bernardus. Quæ  
cum ita se habeant, tacitus præterire non possum, quod etiam  
Theodoretus hoc in loco aduertit, non absque mysterio à  
sponsâ vocatum fuisse nomen sponsi, non solum oleum, sed  
oleum effusum. Nam quemadmodum oleum rosarum, vel  
alterius odoriferi liquoris, dum vase clauditur, quasi nullum  
exhalat odorem; vbi autem diffunditur, & præsertim si vas,  
in quo erat rumpitur, protinus flagrans odor, & suauitas,  
ad omnium olfactus transmittitur; ita Christus ante suam  
passionem paucis erat notus, erantque rarissimi, quibus ille  
odorem suum cõmunicauit; sed postquam vas sacratissimi  
sui corporis in circumcisione capit referari, & clauorum atq;  
lanceæ fixatione perforari, (vnde suauissimi duo illi liquores  
sanguinis & aquæ effluerunt, de quibus scriptum est: Et  
continuo exiuit sanguis & aqua) statim à multis fuit cog-  
nitus, & in primis ab ipso dicente Centurione: Verè filius Dei  
erat iste; deinde & aliis innotuit, qui poenitentiam ducti, quod  
hominem tantæ dignitatis & auctoritatis tam indigne tra-  
ctarent, reuertebantur percipientes pectora sua. Quod ma-

Theodor.

Ioan. 18.  
Matth. 2.

*Ambros. lib.  
de Spiritu  
sancto. c. 7.*

*Idem lib.  
3. de Virg.*

nifestum est indicium, odorem suæ diuinitatis in vase illo sacratissimo latentis iam effusum ad ipsos peruenisse. Quæ omnia S. Ambrosius libro de Spiritu S. breuiter ita explicauit: Christi nomen ante eius aduentum quasi vase cludebatur, cum esset tantum notus in Iudæa Deus; postea verò diuinum suum nomen extendit, vt esset admirabile in vniuersa terrâ. Et alibi idem ait: Semper quidem vnguentum hoc erat, sed erat apud Patrem; erat in patre; olebat tantum Angelis, & Archangelis: descendit filius, & repleta sunt omnia nouo odore. Hæc ille.

### CONSIDERATIO IV.

*Nomen Ie-  
sus propriè  
Deo attri-  
buitur.  
Isaia 6.*

*Isaia 46.*

*Osee 3.*

*Salutem da-  
re quid sit.*

**S**Ed omiſſis Hebræorum, & Græcorum arcanis, de quibus iam multa diſſeruiimus, explorandum eſt, cur hoc nomen in ſuo prototypo ſanctum Domino fuerit appellatum, laminaeque aureæ inſculptum, & in fronte ſummi Pontificis ſuſpenſum? Si enim attentius & altius rem conſideremus, hæud immerito hoc nomen ſanctiſſimū, ſanctum Domino dicitur; ſoli enim Deo, qui eſt verus Dominus, & cui Seraphim: Sanctus, Sanctus, Sanctus Dominus proclamant, hoc nomen propriè attri- buitur, nec vlli alteri præter ipſum contineat. Ideoque de ſe ipſo apud Iſaiam ait: Ego ſum Dominus, & non eſt abſq; me Saluator. Et apud Oſeam: Ego ſum Dominus Deus & Saluator non eſt præter me. Idem igitur eſt Deus, qui & Saluator, nec quiſquam ſaluare, vel ſalutem dare poteſt præter ipſum Deum. Qui enim ſaluat, & dat ſalutem, idem dat vitam & eſſe. Salus enim dicit vitam perfectam, cum omni integritate, & ſine vlllo defectu. Qui autem dat ſalutem aliis, vitam, & eſſe; neceſſe eſt vt de ſe habeat ſalutem, vitam, & eſſe; quia vnum includit per ordinem aliud, & vltimum comprehendit omnia tria præcedentia. Quamuis autem ſicut Pater in diuinis, ita & Filius, & Spiritus Sanctus non excludantur ab hoc nomine, quia Saluator Pater, Saluator Filius, Saluator Spiritus Sanctus

ctus; etsi non tres Saluatores, sed vnus Saluator, cū sit vna,  
 & eadem in Tribus natura, & potentia saluandi: peculiari  
 tamen ratione hoc nomen soli Filio attribuitur, inquantū  
 est Verbum incarnatum, per quod in humanitate assumptā  
 perfecta est tota nostra salus, & redemptio. Neq; enim pec-  
 catores saluare potuisset nisi esset Deus & homo; Deus qui  
 saluare posset: homo qui pateretur & iustitiæ diuinæ satisfac-  
 ceret. Quod scire sanè, & eleganter Dionysius Carthusianus  
 expressit, qui Saluatorem triplici ex ratione dici asserit.  
 Primò à potentiā saluandi; sicque conuenit hoc nomen sibi  
 ab aeterno secundū diuinitatem; & hoc modo non tantū  
 Filio competit, sed etiam Patri, & Spiritui sancto, & ex æquo  
 toti sacrosanctæ, & indiuiduæ Trinitati. Secundò ab habitu,  
 seu a gratiā saluandi; & sic impositum fuit illi hoc nomen  
 ab Angelo, & competit sibi ab instanti conceptionis, in quo  
 secundū humanitatem accepit gratiam tam perfectam,  
 quā postea fecit ea, per quā actualiter mundum saluauit.  
 Tertio ab actu saluandi, & hoc modo vocatum est nomen  
 eius IESVS in Circumcisione, competitque soli Christo, re-  
 spectu totius suæ vitæ, mortis ac passionis. Hæc Dionysius.  
 Vnde & illud non caret mysterio quod hoc nomen laminæ  
 aureæ insculptum sit; inde enim patet quod hoc sanctissi-  
 mum nomen sacratissimæ Christi humanitati cum in suā  
 gloriosā Circumcisione, tum maximè in suā dirissimā Pas-  
 sione impressum, ac insculptum fuerit. Enimuerò cum re-  
 liquos titulos, vt potè Deus, Verbum, Creator, & his simi-  
 lia iure diuinitatis acceperit; at hoc sacratissimum nomen a  
 maximo opere sumptum est. Cæli enarrant gloriam Dei,  
 canit vates: & nomen IESVS enarrat non tantū gloriam  
 Dei, sed etiam salutem à Christo Domino per Crucem &  
 Passionem hominibus allatam. Opera manuum Dei annun-  
 ciat firmamentum, verū maiorā opera annunciat nomen  
 IESVS; annunciat enim manus pedesque Christi fuisse clauis  
 confixos, caput spinis coronatum, latus lancea perforatum,

*Dion. Carr  
 ser. de Cir-  
 cumcisione.*

*Nomen Ie-  
 sus sacratis-  
 simæ huma-  
 nitati Chri-  
 sti impres-  
 sum a maxi-  
 mo opere  
 sumptū est.*

*Psal. 18.*

*Nomen Iesu  
 Christum*

*clavis confi-  
zum, flaget  
larum, &  
Spinis coro-  
natum an-  
nunciat.  
1. Mach. 6.  
Nomen Ie-  
sus pluris du-  
cit Christus  
quam alia  
nomina.*

torumq; corpus eius pro salute humanâ vul neratum. Quare multò veriùs de illo, quàm de Eleazaro Machabæo dici illa verba possunt: Dedit se vt liberaret populum suum, & acquireret sibi nomen æternum. Hinc est quod Dominus noster IESVS Christus gloriosissimum IESV nomen multò pluris ducit, quàm reliquos titulos quantumvis gloriosos, & illustres. Causa in promptu est; quia generosi, & excelsi animi pluris solent æstimare ea, quæ proprio Marte, & virtute parantur, quàm illa, quæ iure hæreditario à parentibus conferuntur. Vnde legimus Patriarcham Iacob nomen Israël accepisse, quia fortiter, & strenuè luctatus est cum Angelo. Pari ratione caput Ecclesiæ Beatus Petrus Apostolus, relicto nomine Simonis, quo priùs vocabatur, Petri nomen à Christo impositum accepit. Quoniam constantiâ fidei inter alios Apostolos excelluit. Eodem modo Duces, Reges, & Imperatores insignes, de signis hosti erepris, de copiis in fugam conuersis, de Prouinciis superatis, aliisque rebus à se feliciter ac fortiter gestis libentiùs, quàm de maiorum stemmatibus, & imaginibus gloriari consueuerunt. Hac de causâ Scipionum vnus Africanus, alter Asiaticus dici voluit, eò quod ille Africam, hic Asiam debellauit, Romanoque imperio subiugauit. Hac de causâ Iustinianus Germanicus appellatus est, quia Germaniam superauit; & Titus Manilius Torquatus nominatus est, quia Torquem auream, fortissimo militi in prælio vi extorsit. Hæc eadem de causâ Christus Dominus IESVS, id est, Saluator dicitur, quia salutem toti humano generi proprio sanguine, & vitâ comparauit. Reliqua Christi nomina, quibus appellatur Filius Dei, Splendor gloriæ, Verbum, Parris Sapientia, Veritas, Virtus Omnipotentis, Hæres vniuersorum, Rex regum, Dominus dominantium, & his similia à diuinâ naturâ trahunt originem, & Christo ab ipsâ naturâ iure hæreditario ratione diuinitatis conueniunt; at præclarissimū IESVS nomen, proprio merito, & virtute acquisiuit; ob idque cæterorum immemor hoc potissimum

*Nomen Ie-  
sus proprio*

mum gaudet appellari. Hanc causam arbitror esse, propter quam etsi reliqua nomina reliquerit; hoc nunquam dimiserit; quin in cruce pendens, illud tanquam totius ignominia suae gloriam, dolorumq; omnium solatium retinuerit. Potuit hostium suorum furor, & immane odium vestibus eum spoliare; potuit malitia Iudæorum honorem suum obscurare: potuit crudelitas sanguinem suum exhaurire, ac tandem mortem acerbissimam sibi inferre; nomen autem IESVS, quod vocatum fuerat ab Angelo, antequam in utero conciperetur, nullo penitus modo potuit eripere, neq; abolere. Conabatur quidem gens illa perfida, & impia nomen IESVS abradere, & perpetuam ignominiam illud obruere, perpetuamq; obliuioni tradere: vnde vt dicebat: Eradamus eum de terrâ uiuentium, & nomen eius non nominetur amplius. At nomen IESVS Sanctum, voluit Deus esse perpetuum, & æternum, ideoq; pyramidi, & columnæ crucis imponi voluit illum Titulum: IESVS Nazarenus, Rex Iudæorum. Quod ita feliciter factum est, vt huius nominis gloriam, nec tempus edax rerum, nec ipsa inuidiosa vetustas, nec longa temporum series obruerit, nec obliuio depresserit, nec inimicorum suorum infestus furor de illo triumphauerit: immò etiam illis reluctantibus, & inuitis, per omnium ætatum, & sæculorum tempora permanebit, gloriosum caelo, & terræ omnibusque potestatibus tremendum, ac venerandum, non solum in hoc sæculo, sed etiam in futuro. Solent ciuiliū officiorum, & Magistratuum, nomina qualia sunt Consulum, Prætorum, Aedilium, Regum, Imperatorum, quando ab ipso officio amouentur, pariter & ipsa deponi & aboleri; at nomen IESVS, id est, Saluatoris, etsi officij nomen concedamus; non tamen consummato redemptionis opere illud deposuit, neque dereliquit. Quin etiam quaesitus à Paulo, & rogatus; Quis es Domine? non respondit (vt alia eius nomina modo taceam) Ego sum, qui sum: Ego sum alpha, & omega; Ego sum via, veritas, & vita. Ego sum Deus

*merito &  
virtute  
Christus  
acquisiuit.*

*Hier. 2.*

*Nomen Ie-  
sus voluit  
Deus esse  
perpetuum.  
Iohan. 19.*

*Act. 9.  
Exod. 3.*

Apoc. 1.  
1/2. 9.

fortis 7 elotes, Pater futuri sæculi, Princeps pacis: quibus titulis sapientis aliàs vsus fuerat; sed relictis omnibus his tam amplis, & honorificis titulis: Ego sum, inquit, IESVS quem tu persequeris. Causa verò ob quam Christus antiquissimis, & gloriosissimis Dei titulis postpositis, quibus poterat nominari, IESVS nomen prætulit, ea certè est, quam insinuavi, quia hoc nomen proprio sanguine, ac morte sibi comparatur, reliqua autem iure hæreditario vnà cum diuinitate à Deo Patre accepit,

### CONSIDERATIO V.

*Nomen Iesu omnia nomina transcendit.*  
*Ad Phil. 2.*

**S**ed quid est, quod hoc nomen Sacratissimum super thyraram suspendi, & in fronte Summi Pontificis deferri Deus præceperit? Venerabilis Beda existimat Deum, præcepto illo significare voluisse, sicut excellentia Dei omnia transcendit, iuxta illud: Excelsus super omnes gentes Dominus, & super caelos gloria eius; ita pariter illius nomine omnia, quæcunq; nomina superari. Cui consonat electissimum vas Diuus Paulus, qui hoc nomen coram regibus, & gentibus portabat & exaltabat dicens: Christus factus est pro nobis obediens vsque ad mortem, mortem autem crucis. Propter quod Deus exaltauit illum, & dedit illi nomen, quod est super omne nomen, vt in nomine IESV omne genu flectatur, caelestium, terrestrium, & infernorum, & omnis lingua confiteatur, quia Dominus noster IESVS Christus est in gloria Dei Patris. O quàm magnum & præclarum est hoc nomen, o quàm sublime & excellens, o quàm tremendum & super omnia venerandum, cui in genua procumbunt Cherubim & Seraphim; cui prosternuntur Archangeli, Throni, Dominationes, Principatus, Potestates, omniumq; caelorum Virtutes; cui Reges sceptra, Imperatores diademata, Pontifices thyaras, Seniores coronas submitunt, quo audito ipsi Principes & Rectores tenebrarum, omnesque Tartarei spiritus terrentur, horrent, contremiscunt, contunduntur, & in fugam

SACERDOTIS MAGNI.

23

fugam conuertuntur. Quid igitur hoc nomine potest esse maius & præclaritius? quid dici præstantius? quid cogitari sublimitis aut magnificentius? Non defuerunt Ethnicis & gentilibus olim fortunata quædam, & boni ominis nomina; vt Macrinus, Lucrinus, & similia: fuere quædam suauia & iucunda; vt Narcissus, Cyparissus, Eurilaus, Earinus, de quibus Martialis illud ait.

*Marr. lib. 9  
Epig. 8.*

Nomen cum violis, rosisque natum,

Nomen nectare dulcius beato.

Fuerunt quædam augusta, & in summo pretio ac veneratione habita, vt Augustus, Antoninus, & id genus alia: sed quid sunt hæc omnia, si cum nomine IESV conferantur? in quo est felicitas & beatitudo æterna, suauitas & iucunditas infinita, dignitas, & Maiestas immensa. Valeant Macrini Lucrini, marcescant Narcissi & Cyparissi, obsolecant Augusti, & Antonini: vnum sanè tantum est cunctis populis, & gentibus fortunatissimum, suauissimum, optatissimum, & augustissimū IESVS nomen, in quo omnium bonorum, quæcunque optari & desiderari possunt, summa & complexio continetur. Non defuere & Diis gentilibus præclarissima & celeberrima nomina, quæ illi præsci Pœtæ, & Oratores magnifico ore suo propalabant: at vbi nunc est eorum splendor, & honor? Iacet nunc Iouis Capitolini nomen: iacet nomen Apollinis, Martis, Mercurij, Saturni; iacet nomen Iunonis, Dianæ, cæterorumque Deorum, vel potius Dæmonum nomina, nihil honoris, nihil venerationis habent: omnia hæc (quin & ipsa gentilia simulacra) hoc ipsum nomen gloriosissimum obruit, & aboleuit. Nulla iam penè est sub sole gens tam fera & barbara, quæ huic gloriosissimo nomini genu suum non flexerit, nulla tam stolta & impia, quæ hoc sacratissimum nomen non inuocauerit, & non magnificauerit. Quare non immeritò apud Prophetam, magnum est in gentibus nomen meum dicit Dominus. Olim cum solum

*Nomen Iesu  
fortunatissi-  
mum, sua-  
uissimum.*

*Nomen Ie-  
sus omnia  
Deorum ge-  
tilium no-  
mina & si-  
mulacra a-  
boleuit.*

*Malach. 1.*

et notus in Iudæa Deus; In Israël quoque tantum erat ma-  
gnam.

*Pfal. 25.**Pfal. 112.**2 Reg. 7.**Nomen Iesu  
nomina Re-  
gum supe-  
rat.**Pfal. 148.**Nomen Iesu  
omnia no-  
mina An-  
gelorum an-  
tecedit.**Ephes. 1.**Hebr. 1.*

gnum nomen eius: nunc verò, vbi in vniuerso orbe annun-  
ciatur Christiana fides, admirabile est nomen IESV in vni-  
uersâ terra; & à Solis ortu vsque occasum laudabile nomen  
Domini. Non desunt & modo mortalibus splendidissimi,  
ac illustrissimi tituli, Magnatum, Regum, Imperatorum,  
Ducum, Principum, Procerum; de quorum numero ille e-  
rat, cui dictum est à Domino: Feci tibi nomen grande iuxtâ  
nomen magnorum, qui sunt in terrâ; hanc tamen Magna-  
tum, Imperatorum, Regum, Principum dignitatem, & emi-  
nentiam, superat nomen IESV; vt potè quod à Regibus, &  
principibus & aliis omnibus cuiuscunque fuerint status, &  
conditionis piè coli, & venerari ab eodem rege, & Prophetâ  
his verbis iubetur: Reges terræ, & omnes populi; Principes,  
& omnes iudices terræ, iuuenes & virgines, senes cum iunio-  
ribus laudent nomen Domini, quia exaltatum est nomen  
eius solius. Sunt & Spirituum cælestium nobilissima, & ex-  
cellentissima nomina scilicet Angelorum, Archangelorum,  
Principatum, Dominationum, Virtutum, Potestatum, Thro-  
norum, Cherubinorum, Seraphinorum, omnia tamen hæc  
gloriosissimum, & excellentissimum nomen IESV excellit,  
atq; antecedit, quem (teste Apostolo) Deus Pater à mortuis  
suscitauit, & constituit in cælestibus supra omnem Principa-  
tum, & Potestatem, & Virtutem, & Dominationem, & om-  
ne nomen quod nominatur non solum in hoc sæculo, sed  
etiam in futuro: Tantoque (vt ait idem Apostolus) melior  
Angelis est effectus, quanto differentiùs nomen præ illis  
hæreditauit. Nullum igitur superest tam illustre, & glo-  
riosum nomen, nulla tam sublimis potestas in cælo, & in  
terrâ, nulla tam excellens gloria, & virtus, quæ cum excel-  
lentissimo, & gloriosissimo nomine possit comparari.  
Quantum enim Angelicam naturam excedit natura diuina  
quæ in Christo est: tantum sacratissimum, ac diuinissimum  
nomen IESVS, reliquas omnes appellationes Angelorum an-  
tecedit. Exant præterea & alia præstantissima, summâq;  
& omni



& omni veneratione dignissima Dei nomina (quæ à S. Hieronymo Epistola ad Marcellam enumerantur.) Tale est Heloim, quod interpretatur Deus meus: tale Adonai, hoc est, Dominus meus; tale est Sadai, quod idem est, quod sufficiens ad omnia; tale est Sabaoth; tale est Tetragrammaton, illud & ineffabile, quod vulgò Iehoua dicitur; verum omnium præstantissimum, & dignissimum est Sacrosanctum nomen IESVS, quod maiori veneratione, quam omnia alia nomina colit Sancta Ecclesia. Inueniuntur adhuc alia plurima nomina, quæ Messiaë in scripturis propriè attribuuntur: huiusmodi sunt illa quæ recenset Isaias dicens: Et vocabitur nomen eius admirabilis, Consiliarius, Deus fortis, Pater futurifaculi, Princeps pacis. Habet & alia cognomina, quæ sparsim in Scripturâ sacrâ reperiuntur. Vocatur enim Lux, Sol, Stella, Thesaurus, semen, flos, arbor, lapis, petra, fundamentum, Aquila, Leo, Agnus, vitulus, Via, Veritas, & Vita, Sapientia, Virtus, & Fortitudo Dei; Habet & alia magis sibi propria Epitheta. Cum enim immensum, ac penè infinitum sit opus, & officium, & beneficium erga nos Saluatoris nostri, non vno verbo potest exprimi; ideoq; sacræ Scripturæ tot cumulant Epitheta, totque gloriosos congerunt titulos, vt officium, & beneficium erga nos Christi exprimant. Nunc igitur vocant eum Mediatorem, nunc Propitiatorem, nunc Redemptorem, nunc Iudicem, nunc Testem, nunc Advocatum, & Defensorem; quandoque Fratrem, Patrem, Magistrum, Ducem, & Pastorem, nonnunquã Dominum, Regem, Sacerdotem, quæ omnia & his similia hoc amplissimũ nomen IESVS virtute suã in se complectitur. Quemadmodũ enim flumina intrant mare; ita omnia nomina quæ Christo in scripturis Sacris attribuuntur in hoc nomen ingrediuntur ait D. Bernardus. Enimuerò quis ita est admirabilis sicut IESVS, qui admirandum in modum, & præter omnem spem, & opinionem Iudæorum, salutem mundo attulit? Quis tam bonus Consiliarius sicut IESVS, qui eximia præcepta, & confi-

*S Hier. Ep̃.  
136. ad Mar  
cellam.*

*Nomen Ie-  
sus omnibus  
aliis diuinis  
nominibus  
præstat.*

*Isaia 9.*

*Epitheta  
Christi S.  
siult.*

*Taudes no-  
minis Iesu.*

*Bernar. ser.  
4. in vigil.  
Natiuit.*

*Encomia no  
minis Iesu.*

lia dedit hominibus? Quis tam fortis Deus sicut IESVS, qui mundum, mortem, infernum debellauit, omnesque hostes salutem humanam aduersantes superauit? Quis etiam Pater futuri seculi est, nisi IESVS, qui salutem omnium seculorum peperit? Quis princeps pacis nisi IESVS, qui omnia bella, & lites extinxit, & omnia siue ea, quae in terris sunt, siue quae in caelis sunt, per sanguinem suum pacificauit? IESVS ut ait Bernardus, Admirabilis est in Natiuitate, Consiliarius in praedicatione, Deus in operatione, Fortis in Passione, Pater futuri seculi in Resurrectione, Princeps pacis in beatitudine. Quid plura referam? IESVS est lux, quae illuminat, omnem venientem in hunc mundum. IESVS est sol iustitiae, qui solus lucet, qui solus illuminat, & viuificat omnia. IESVS est stella non erratica, sed fixa, & immobilis, quae nunquam errat, nunquam cadit, quinimmo nos ne cadamus, & erremus sustinet. IESVS est Thesaurus infinitus, sed non nisi a paucis cognitus & expetitus. IESVS est semen, paruum quidem externae specie, sed tantae virtutis, ut excreseat in arborem magnam, & terram omnem repleat; ita ut volucres caeli homines nimirum sublimes ingenio, & contemplatiui veniant, & sub ramis eius requiescant. IESVS est flos odoriferus, ex quo apes sanctae, hoc est, animae pia & deuotae colligunt mel spiritualis dulcedinis, & consolationis. IESVS est arbor vitalis, quam qui gustat non moritur in aeternum. IESVS est petra, quae firmat omnes in se credentes. IESVS est lapis angularis, qui Iudaeos, & gentiles fecit vnum. IESVS est fundamentum Religionis nostrae, totiusque spei & salutis. IESVS est fons viuus, praebens aquam vitae aeternae, omni animae sitienti. IESVS est Aquila super omnes Angelorum choros exaltata. IESVS est Leo, qui draconem infernalem vicit, omniaque in caelo, & in terra potestati suae subiugauit. IESVS vitulusest pro peccatis nostris immolatus. IESVS est Agnus qui tollit peccata mundi ab origine mundi occisus. IESVS est via patens, quae ducit ad caelum. IESVS est veritas ab omni mendatio aliena.

IESVS est  
vita.

vita, quã omnia viuunt, quæ de morte triumphauit, quæ homines mortales efficit immortales. IESVS est Sapiencia æterna, ex corde Patris nata, quæ hominibus quotidie reuelat arcana & mysteria. IESVS est virtus & Fortitudo Dei, sine quã nihil vnquam factum est, nec fit, nec fiet visibile, vel inuisibile: & vt rem paucis complectar: IESVS est omnia omnibus, & omnia in omnibus. Mediator est, quia pacem inter Deum, & homines restaurauit. Propitiator est, quia peccata remittit. Redemptor est, quia peccatores à morte æternâ & tyrannide Diaboli redemit. Iudex est, quia rebelles castigat, & fragiles atque infirmos absoluit. Testis est, quia nos coram Patre excusat. Aduocatus est, quia causam nostram coram diuinâ iustitiæ tribunali peragit. Defensor est, quia aduersus Diabolum nos defendit. Frater est, quia nos in partem suam vocauit. Pater est, quia nos hæredes regni cælestis constituit. Magister est, quia Dei viam in virtute & veritate docet. Dux est, quia exemplo suo ab impiã vitã nos reuocat. Pastor est, quia nos corpore suo, & sanguine pascit. Rex est, quia omnia regit, conseruat & gubernat. Dominus est quia in necessitatibus nostris nobis opitulatur. Sacerdos est, quia seipsum sacrificat, salutemq; omnium operatur, & vitam æternam omnibus elargitur. Tam igitur est præclarum, & magnum hoc nomen, tam sublime, & excellens, tam potens & salutare, vt totum sit sanctum, totum diuinum, totum salutiferum, totum mysteris, & maiestate plenum, totum amabile, totum delectabile, & desiderabile. Et quis dignis laudum Encomiis, hoc Sacratissimum & gloriosissimum nomen prædicare sufficiat? Hoc est illud nomen, quod à Deo ab æterno fuit prædestinatum, à Patribus sanctis desideratum, à Prophetis prophætatum, in Patriarchis antiquis præsignatum, Diuino ore nominatum, ab Angelis diuulgatum, à Sacratissimã Virgine Mariã prædicatum, ab Apostolis magnificatum, à Martyribus testificatum, à Confessoribus collaudatum, à Virginibus tanquam oleum

*Iesus est omnia omnibus.*

*Prærogativa & excellentia nominis Iesu,*

- effusum prægustatum, & ab omnibus fidelibus adoratum. Hoc est illud nomen magnum, de quo per Prophetam: Magnum est nomen meum in gentibus, dicit Dominus. Hoc est illud nomen sanctum & terribile, de quo Psaltes canit: Sanctum & terribile nomen eius. Bonis quidem & sanctis sanctum, charum, dulce, suauis, & amabile: at malis & impiis tremendum, horrendum, & formidandum, vtrisque verò semper & ubiq; admirandum, reuerendum ac venerandum. Hoc etiam nomen est illud præpotens, de quo Moyse in Exodo ait: Dominus quasi vir pugnator omnipotens nomen eius, currus Pharaonis & exercitum eius proiecit in mare. Hoc est illud nomen, quod contra omnes hostiles astus præstat, remedium præsentissimum, & præsidium tutissimum: ideoque sapiens rectè & sapienter ait: Turris fortissima nomen Domini; ad ipsum iustus currit, & exaltabitur. Hoc nomen est; quod dedit cæcis visum, surdis auditum, claudis cursum, sermonem mutis, vitam mortuis, totamq; potestatem Diaboli ab obsessis corporibus effugauit. Hoc est nomen quod iustos sanctificat, & ex peccatoribus iustos facit: Abluti estis (ait Apostolus) iustificati, & sanctificati in nomine IESV. Huic omnes Prophetæ perhibent testimonium, accipere remissionem peccatorum per nomen eius. Hoc nomen est virtus in salutem omni credenti. Et omnis quicumq; inuocauerit nomen Domini saluus erit. Suauitatem quoq; huius nominis nullus exprimere valet, cum illud sit certissimum quod B. Bernardus in laudem huius nominis suauissimi inter alia canit:

I IESV dulcis memoria,  
 Dans vera cordis gaudia:  
 Sed super mel, & omnia,  
 Eius dulcis præsentia,  
 Nil canitur suauius,  
 Nihil auditur iucundius,

Nil cogitatur dulcius,  
Quam IESVS Dei Filius.

IESVS spes poenitentibus,  
Quam pius es petentibus,  
Quam bonus te quærentibus,  
Sed quid inuenientibus?

IESV dulcedo cordium,  
Fons viuus lumen mentium,  
Excedens omne gaudium,  
Et omne desiderium.

Nec lingua valet dicere,  
Nec litera exprimere,  
Expertus potest credere,  
Quid sit IESVM diligere. & paulò post.

Amor IESV dulcissimus,  
Et verè suauissimus,  
Plus millies gratissimus,  
Quam dicere sufficimus.

Hoc probat eius passio  
Hoc sanguinis effusio,  
Per quam nobis redemptio  
Datur, & Dei visio.

IESVM omnes agnoscite,  
Amorem eius poscite,  
IESVM ardentèr quarite,  
Quærendo inardescite.

Sic amantem diligite,  
Amoris vicem reddite,  
In hunc odorem currite,  
Et vota votis reddite.

IESVS auctor clementiæ,  
Totius spes latitiæ,  
Dulcoris fons, & gratiæ,  
Veræ cordis delitiæ.

*Et iterum.*  
D3  
E3

Cum

TESSERA PRIMA

Cum dignè loqui nequeam,  
De te tamen ne fileam,  
Amor facit vt audeam,  
Cum de te solum gaudeam.

Tua IESV dilectio,  
Grata mentis refectio,  
Replens sine fastidio,  
Dans famem desiderio.

Qui te gustant esuriunt,  
Qui bibunt adhuc sitiunt,  
Desiderare nesciunt,  
Nisi IESVM quem diligunt.

Quem tuus amor ebriat,  
Nouit quid Iesus sapiat,  
Quam felix est quem faciat,  
Non est vltra quod cupiat,

Iesus decus Angelicum,  
In aure dulce canticum,  
In ore mel mirificum,  
In corde nectar calicum.

Iesus sole serenior,  
Et balsamo suauior,  
Omni dulcore dulcior,  
Cæteris amabilior.

Cuius gustus sic afficit,  
Cuius odor sic reficit,  
In quo mens mea deficit,  
Solus amanti sufficit.

Tu mentis delectatio,  
Amoris consummatio,  
Tu mea gloriatio,  
IESV mundi saluatio.

Quis fando explicare sufficiat omnia huius Sacratissimi  
nominis mysteria? O nomen IESV super omne nomen exal-  
tatuna

tatum. O nomen Triumphale. O gaudium Angelorū. O læticia iustorum. O pavor inferorum, in te omnis spes vitæ, omnis spes gratiæ, in te omnis spes gloriæ. O nomen dulcorosum: Tu peccatoribus veniam præstas; tu mores renouas, tu mentes diuinâ dulcedine repleas, tu phâsasmata noxia pellis. O nomen gratiosum per te mysteria alta reuelantur, per te animæ ad Diuinum amorem inflâmantur, roborantur in pugna, & à periculis liberantur. O vtinam mille cordibus te amare, mille linguistè laudare possimus. Currite igitur ad IESVM omnes gentes, quærite eum dum inueniri potest, inuocate eum dum prope est. IESVS est salus mundi, salus vera, salus certa, salus perfecta, salus æterna, IESVS est salus mundi. Non enim venit Filius hominis vt iudicet mundum, sed vt saluetur mundus per ipsum. IESVS est salus vera, qui Angelo attestante saluum facit populum suum à peccatis eorum. Habuerunt Iudæi alios saluatores iuxta illud Neemiæ: Secundum miserationes tuas multas, dedisti eis saluatores, qui saluarent eos de manu hostium suorum. Talis erat Iesus Sirach Doctor fidelis; talis erat Iesus Iosedech summus sacerdos; talis erat ille Iesus Naue dux, & Antesignatus inexpugnabilis. Verum hi vmbra fuerunt veri Saluatoris, neq; enim poterunt veram salutem parare. Hæc enim vera & sola est salus à peccatis saluum facere, à morte æternâ Diaboliq; Tyrannide liberare. Hanc Iacob Patriarcha suspirabat cum illa verba in extremo spiritu proferret: Expectabo salutare tuum Domine. Hanc & Propheta expetebat cum spem suam in Deum errigeret dicens: Ego autem in Domino gaudebo & exultabo in Deo IESV meo. IESVS est salus certa: neque enim aliud sub cœlo datum est nomen hominibus, in quo nos oporteat saluos fieri, nisi in nomine Domini IESV. Ad extremum IESVS est salus perfecta, & æterna, quia non corpori tantum, sed etiam, animabus medetur. Mirum est quod de S. Ignatio fertur, qui hoc suauissimum nomen cordi medullitus inscriptum habuit, ideòq; multis & variis tormentis &

*Exhortatio  
Similitudo  
omniū gen-  
tium ad Ie-  
sum.*

*Neemiæ 9.*

*Genes. 49.*

*Abac. 3.*

suppli-

mi  
al-

TESSERA PRIMA.

32

*S. Ignatius  
Nomen le-  
sus aureis li-  
teris corde  
inscriptum  
habuit.*

suppliciiis quantumvis exquisitissimis & dirissimis superari non potuit. Quod postea ab eius corpore extractum, atq; per medium scissum, inuentum est IESVS CHRISTVS aureis litteris insculptum. O quam iucundum & amabile, o quam efficax & salutare est nomen IESVS in corde ipsum diligentium, quod non tantum viuis, sed etiam mortuis efficacissimum præstat antidotum. Medici ægrotis quandoq; salutem dare nequeunt: IESVS autem ipsis hominum cadaueribus vitam, & sanitatem perfectam affert. O si medicus in orbe reperiri posset qui salutem ægris ducentorum vel mille annorum conferret; quis ad eum non properaret, quis largam salutem auro, & argento sibi non compararet? En medicum, habemus qui non ducentorum, vel mille annorum, sed totius æternitatis salutem affert: cur ad eum non properamus? cur ab eo salutem, & medelam vulneribus nostris non flagitamus? Quomodo ad eum cum Prophetâ non exclamamus? Adiuua nos Deus salutaris noster, & propter gloriam Nominis tui libera nos, & propitius esto peccatis nostris propter nomen tuum. O bone IESV aspice in me, & miserere mei secundum iudicium diligentium nomen tuum. Propter nomen tuum Domine propitiaberis peccato meo, multum enim. Domine Deus salutis meæ dic animæ meæ: salus tua ego sum. Exultabit cor meum in salutari tuo, cantabo Domino, qui bona tribuit mihi, & psallam nomini Domini altissimi. Exaltabo te Deus meus Rex, & benedicam nomini tuo in sæculum & in sæculum sæculi, per singulos dies benedicam tibi & laudabo nomen tuum in sæculum, & in sæculum sæculi. Laudationem Domini loquetur os meum, & benedicat omnis caro nomini Sancto eius in sæculum & in sæculum sæculi. Benedictus Dominus Deus Israel, qui facit mirabilia solus, & benedictum nomen maiestatis eius in æternum: & replebitur maiestatem eius omnis terra, fiat, fiat.

*Psal. 78.*

*Psal. 118.*


*Psal. 24.*

*Psal. 34.*

*Psal. 12.*

*Psal. 144.*

*Psal. 71.*





ri  
er  
is  
m  
n-  
i-  
m  
i-  
e-  
o-  
a-  
L  
o-  
s?  
i-  
s?  
ni-  
L  
ei  
o-  
est  
ua  
o-  
ni-  
ini  
ne-  
u-  
be-  
la-

